


光緒嶧縣志



(清) (清)

王寶田 周鳳鳴 王振錄

纂修

本書二十五卷首一卷，據清光緒三十年（一九〇四）刻本影印。

重修嶧縣志序

癸卯夏鳳鳴奉除書承乏嶧土時中翰王君

實讀禮家居偕邑文學纂修邑乘下車之始諸

生進謁以裁訂事相委夫徵文考獻有司之責

何敢以不文辭第自政典改紀符檄紛然迂拙

之才日夕執掌不獲從容與諸文學商榷今古

又何敢以固陋口其事既復自維鳳鳴縣吏也

民之備也自凡一邑簿書期會以下及日用瑣

屑苟其利害有關於民者皆不憚屈吾身以赴

之雖至勞辱不敢避以為備之職分固如是也

嶧縣志

卷首

新序

又況志之所係為尤重耶雖然嶧志之失修百

餘載矣歲月綿闕文籍靡徵昔之人之輟而不

為蓋若有隱憾焉失今不修後將何述此固邑

人士之恥而亦地方令長之所深憂也以余觀

忠氏所載版圖增廓而戶口不免流亡年穀屢

登而盜賊不免蠢動馴至威刑靡肅法紀凌弊

風俗陵夷雅道日替其變故蓋有難言者矣而

區區之意則更有進於此也夫嶧鄙郛之故封

也土宇之啟肇自夏商其為國右矣秦漢而還

分建列邑而繒承蘭陵並稱壯縣其為蹟盛矣

而至於今被帶河山形勢依然而牧圉不誠戍

心時啟百產駢羅利源外溢此在迂疏無具者

猜防不設勢等慢藏固不足語於抵禦之道而

顯已護前者張皇補苴又以首施之計坐俟瑕

釁即二三父老謂何如矣至於禁防大弛患深

割映而材氣瓌偉不恆之士奮不思難乃欲闢

眾口驅羣孱而一決之於是鑿一孔而開萬隙

樹一木而生萬葉其涉心注意未嘗不求有濟

而其見諸設措固已不勝其擾是何異揚塵弭

裸欲救火而益以薪者之速之使亡也此余於

嶧縣志

卷首

新序

邑志述往思來所為隱然有世道無窮之感也

至中翰所為文義法謹嚴訓詞深厚其自叙已

詳矣又何贅焉

光緒三十年秋七月朔後三日

賜同進士出身嶧縣知縣周鳳鳴序

重修嶧縣志叙

志史之細也周職方氏之遺也上以稽先王之蹟下以辨人事之紀憲前哲型後牘一邑典冊于是乎在其係重矣天下州縣無慮千數百所例皆有志皆十年一修此著令也省之志取諸府府之志取諸縣而縣之志取諸鄉故縣者省與府之分而一統志之本也一方一爭之不覈則天下之大舉受其弊而外人始得竊其權而奪之治亦勢之所積然也嶧志之失修久矣始明邑人賈侍郎三近創為志書 國初李太史

嶧縣志

卷首

新序

克敬

續輯頗有異同其後邑令田君顯吉駱君

大俊

採李氏之說一再修之然諸本都不省見

其僅有存者則乾隆二十有六年長白忠連本

也蓋距今已百五十三載矣簡冊誘脫文字漫

滅讀者以為憾辛丑冬寶田奉諱家居時邑侯

易州王君振錄視縣豕期月政通人和以舊志

蹟駁慨然思修之乃與山長淄川高孝廉微嶠

定議越日進邑諸紳耆於庭諭以修志事而身

捐廉以為倡遠近競勸遂於壬寅春二月立局

延諸生給筆札乃事甫定而王君以調繁遷泰

州王君貽哲繼之始為簡明條例分各鄉社採

訪其明年採訪冊始集而王君又以期滿去今

邑侯天津周君鳳鳴以巨學長德實總筆削之

任而委寶田以編次自維學殖荒落不足當此

而義固不能辭也因與學校諸同人諮訪故實

得嘉慶咸豐時前令萬君承紹蔣君慶第所為

條目及邑孝廉褚君修孝所輯底稿其義例至

詳備而書終未就夫以當嘉道盛時其為是書

宜不甚難而卒不能成者豈非官數遷於上而

法數變於下吏民慢易令玩不行雖以萬蔣二

嶧縣志

卷首

新序

公之材且賢亦蹙蹙然束手而無奇也而至於

今天下蓋多故矣兵燹之餘百物蕩盡重以強

鄰闕關戎心時啟一二重臣懲前毖後改紀政

典此固斯文絕續之秋也當是時符檄嚴峻一

日數至而賢侯於此獨能處之夷然不動不變

舉一邑墜典而毅然以修復自任可不謂知為

治之道之本者邪寶田竊不自揆欲稍有撰述

以仰承賢侯之意而事願有難焉者蓋以時踰

五朝人閱百載其故家遺俗亦幾於盡矣至於

世道之汚隆謠俗之貞淫與夫賢人君子嘉言

懿行之著微傳聞異辭盛美缺如欲一一整比而論次之固知非淺陋所能任也而邑人士之抗懷守高有志於古者相與發憤討論一十九代之史究極二千餘年之變而竊以爲天道推移人事變化千歧萬轍而其大患皆起於忽微而積弊皆由於習而不察此以知非練於理而孰於事者亦無以爲也以余觀舊志所載嶧之封域遼濶戶口繁息賦役殷廣而眾力能給其意固至明著也而民情則由靜而囂物產則由饒而匱土俗則由厚而漓吏治文物則由盛而

嶧縣志

卷首

新序

三

衰風起於織末而勢成於不可挽以至因仍習慣外則文飾完好內則浸淫朽壤自近古以來未有如嶧受敝之甚之久者也故凡先王所爲綱維庶政平紀萬物典禮刑政之大固已十亡八九矣而自春秋以來其諸都邑器物之善工商之勤以及朝會詞命之文軍戎步伐之肅其事蹟之湮鬱而猶可考求者往往外人察而知之而吾人則習而昧之而甚且驚而不信也寢尋以至衰弱之極倉卒補直而一切以擊斷行之執不信之民而強以所不習狎於其易與而

不知勤而無所之必至於悖也獨自有之權利而假諸人以爲功信於其相親而不知族類之非之必至於爭也及至本統既失首尾衝決固有擅賊兵以奪其救甘盜言以速之亂者卽此區區百里而情形至於如此此其降本流末廢正趨弊昔之人所爲有愷乎其言之者也至忠氏所修志已非司馬原書而體裁大致相類地理約而不遺建置贍而不穢其他序次有槩有詳至其憂深而思遠則固反覆之而不能盡覽田與諸同人補其缺漏正其錯訛至於進退損

嶧縣志

卷首

新序

四

益之大則一以諸本善者爲定而未嘗稍有專僭焉惟是諸篇所有論叙於今昔盛衰之故不憚詞重意複以述往思來有欲爲前賢之言儉意該而不能者此亦如時鳥候蟲自相鳴號實有動於氣機而不容自己者也書成爰總其綱叙之以著於篇

惟昔聖人規天條地揆文奮武皆以遠近爲制所以尊王畿重封守也作境至表第一嶧苞三國廣輪百里漢建諸縣民萌滋殖隋唐省併土曠人稀觀所由興革時之盛衰可知也作沿革

表第二先王之政首重疆索後世隨宜設制寢
失此意大官大邑所以庇身者或反爲害作續
疆域考第三奎婁之次非下邑所專至於推測
軌度以定高下遠近之分固昔先王所爲察地
理以授民時也作晷度表第四漢初功臣疇以
爵邑晉建五等體秩益崇然第食其邑入而已
固與古封建之義異也著之以觀世變作封爵
表第五惟古山川皆官司之其名且大者不以
封誠重之也後世專官既廢而深山大澤棄同
息壤奸民或據之以驚法作續山川考第六傳

嶧縣志

卷首

新序

五

有之移風易俗莫善於樂蓋昔聖王統理人倫
所以同天下一之中和也漢世雖知條民風俗
然未久而罷一任民之自爲於是郡縣人人異
端而釋道諸教始張其術以與人主爭黔首作
續風俗考第七司馬氏傳貨殖以因爲上爭爲
下其論商民之情盡矣夫土沃物阜不知治之
固不免於患貧然治之無本而至於爭則拂民
情而召外盜作續物產考第八城惡莒潰道第
陳亡故入其境觀其迹則興敝可得也時移世
易而亦反是故令長皆以省事不擾爲賢然垣

墉之制府庫之規要不可廢也作續建置考第
九山川羣祀其禮至嚴後世易之祠祀寢多卽
嶧一縣中寺觀大者至數百處其名號皆誕不
經然其本起於上之多欲而媚神欲寡則事不
顯作續祠祀考第十惟 聖清之興稽古右文
於廟祀尤隆蓋以孔氏刪詩書作春秋其大指
追本經術以達王道固萬世所不易也世言學
亦多途然聖人人倫之至要以協於天常適於
人事乃可經久而不做作續學校考第十一非
兵不强非德不昌德固兵之本也嶧地邊楚民

嶧縣志

卷首

新序

六

剽銳習武事不知撫而用之則養奸而宿禍作
續軍政考第十二漕渠之病嶧久矣一不治則運
阻運阻則民擾至水與民爭地而全境受其困
然爲害固多爲利亦不少得其人以理之則錢
貨流通水性得而民財可殖作續漕渠考第十
三昔賢謂聚斂之臣不如盜固以盜止於身而
斂則結怨於民也我 朝賦則甚輕泊後軍興
閒增權算然皆一時之制雖重民猶能任若以
其易與而取之不止則下厲民而上病國作續
田賦考第十四救荒之政至我 朝備矣其後

嶧縣志

卷首

新序

七

疾苦壅於上膏澤屯而不施然民未以為怨以其弊在吏而不在國也所謂至愚而不可欺也而奈何欲以術御之作續郵政考第十五祿祥占驗其說固多不效然至大祥異未有不應者傳所謂妖由人興也存之以儆官邪而謹亂略作續災祥考第十六方明季世君昏政佚兇盜朋挺遂覆宗社嶧城之失陷者數焉 國初稍獲休息然伏莽終未斷也降及咸同卒釀捻幅諸匪之禍作續大事記第十七陸終之業邾挾牒之友始居邨以功晉秩子爽宦魯篤生賢詰

淵生睿聖德冠羣列作小邨世家第十八維帝松曼能紹禹績曲烈邑鄧永世不替子巫厥之身播國圯維參大孝用融前烈作鄧世家第十九蕭氏系宋實惟仁後至何始侯為漢元輔令整渡江遂基大業世載其德警饗不絕作蕭氏世家第二十自漢以來侯者大都以材官蹶張博取茅土其餘肺腑重臣因緣寵授固德薄而祚不長作續封爵列傳第二十一循吏漢時稱最然居民獨奉祀荀卿積二千餘歲不衰則大儒之效可睹矣作漢以來續職官列傳第二

嶧縣志

卷首

新序

八

十二世變多故民頑不化則武健幹辦者進矣然官去而民不思至悃悃之吏月計不足歲計有餘功不顯而人懷之作明以來續職官列傳第二十三惟邑濱鄒魯漸於王化遭漢初興儒術顯用承蘭陵文學以經術為郎博士者仍世不絕泊於唐宋地卑世衰惟人既亡邦亦殄瘁作續選舉考第二十四蕭望之傳論語匡衡傳詩皆以儒術為漢公輔自此以後邑諸人士以經明行修當官有聲蹟者甚眾並叙次其傳以觀世盛衰作漢以來續鄉賢列傳第二十五以材學掇甲科而不沒榮利不撓權貴雖宦不遂而志彌厲此邑人士高致也作明以來續宦績列傳第二十六繫惟老成為世典型此古所貴也而少年才俊以厲鋒氣為聲遂以激成浮薄作續耆舊列傳第二十七邑以孝行著者多矣布衣匹夫一念之誠至能動天地學士大夫或有愧焉作續孝友列傳第二十八世衰道術分裂學者務為博綜往往碎義逃難以謹取寵邑地僻陋不牽於鈎鈞之習故學成而文不顯就世所知者刪存之作續文苑列傳第二十九

古之賢士抱道不仕逃迹物外其行蹟世皆誦仰之要其為術貴我而尊生至山水幽絕仙靈恍惚或傳以為能成黃金不死然世故未之見也作續流寓方技仙釋等列傳第三十王道之衰本之祗席蓋以夫婦人倫之始性情之極國家興亡靡不由之者也自柏舟詩作而婦女始以節著固王化缺而人道始苦也作續列女傳第三十一荀氏之文能載道者也匡氏指事情傳經義能因文以見道者也世衰道敝而文亦隨之其材知深美詞章爾雅則亦不可沒也作

嶧縣志

卷首

新序

九

續藝文考第三十二世易變成功大今之時曰不暇給矣而好學而篤於古者每不憚窮搜而遠採焉以為不如是不足以究物情而通治本作續古蹟考第三十三至前史所載治亂有關於嶧而不繫諸目者益為雜記以收焉若稗官野史街談巷說雅俗猥并苟有關故事亦並存之所以紀方言廣異聞也凡為續志總三十四篇以備後之君子採擇焉

光緒三十年秋七月朔後二日邑人王寶田序

重修嶧縣志姓氏

監修

欽命二品銜山東分巡兗沂曹濟兼管驛傳水利兵備道 張運芬 浙江

主修

調署滕縣前嶧縣知縣 王振錄 易州人

范縣知縣前署嶧縣知縣 王貽哲 秦州人

賜進士出身嶧縣知縣 周鳳鳴 天津

賜進士出身內閣中書邑人 王寶田增輯

校閱

嶧縣儒學教諭 蕭震峰 德州人

嶧縣志 卷首

嶧縣儒學訓導 董心葵 即墨人

督梓

前嶧縣典史 周慶瀾

嶧縣典史 董恩墀

汎司廳把總 王雲齡

花翎侍衛邑人 王永祥

分輯

候補中書 褚修玠 歲貢

邑舉人 王東昉

邑舉人 褚子臨

邑	滋陽縣廩生	舉人	王平仲
候選	訓導	郭鼎存	高儀廷
邑	歲貢生	黃殿一	孫茂懿
邑	廩生	董志顛	趙常增
邑	廩生	孫承平	王介修
邑	廩生	黃寶貞	褚子捷
嶧縣志	卷首	二	
督修	附生		
江蘇試用知縣	鮑德麟		
候選府經歷	王寶錫		
候選府經歷	靳慶齡		
候選州判	李廷瑞		
邑	舉人	張秉禮	孫承溶
邑	歲貢生	薛讓	
邑	歲貢生	孫瑞蘭	

邑	歲貢生	王士龍
邑	附貢生	岳守閑
邑	附貢生	鮑德周
邑	附貢生	張雲章
邑	附貢生	董志裕
邑	廩生	孫煥成
邑	廩生	王憲廷
邑	廩生	吳紹樹
邑	附生	張善舉
邑	附生	李希曾
嶧縣志	卷首	三
邑	附生	李雲錦
邑	附生	梁洪典
邑	附生	任玉麟
邑	附生	王冠峩
採訪		
邑	附生	張元錫
邑	附生	劉彥文
邑	附生	韓錫庶
邑	附生	宋龍銘
邑	附生	張文范

書寫	邑 從九品 魏琴舫	邑 附生 米天鈞	繪圖	邑 職員 王德陳	邑 廩生 董志顛	嶧縣志 卷首 四
----	-----------	----------	----	----------	----------	----------

重脩嶧縣志總目	卷首 原叙	卷一 境至表	卷二 疆域沿革表	卷三 疆域沿革攷	屠度表	嶧縣志 卷一 目錄	卷四 封爵表	卷五 山川攷	卷六 風俗攷 婚喪 祭祀 年節 諸俗 井坊	卷七 物產攷 煤 鐵 諸鑛 土石 雜貨 井坊	卷八 建置攷 城池 衙署 驛舍 村莊 橋梁 市
---------	-------	--------	----------	----------	-----	-----------	--------	--------	-----------------------	------------------------	-------------------------

卷九	學校攷	義學坊 從祀 祭品 樂章 名宦
卷十	祠祀攷	鄉賢 忠義 節孝諸祠 學田坊
卷十一	壇廟	寺觀坊
卷十二	軍政攷	城汛 河防 軍械 火器 驛遞坊
卷十三	漕渠攷	
卷十四	田賦攷	戶則 田賦 支解各款 雜稅坊
嶧縣志	卷一	目錄
卷十四	郵政攷	倉儲 賑卹 賜復 免科 免役 災蠲
卷十五	災祥攷	
卷十六	大事記	
卷十七	世家	小邾 鄆 蕭氏
卷十八	封爵列傳	

卷十九	職官列傳	令 太守 王國諸官 丞 尉
卷二十	選舉攷	歷代選舉 甲科 五貢 吏員
卷二十一	鄉賢列傳	宦積 耆舊 孝友 忠義 文苑
卷二十二	續列女傳	流寓 僊釋 方技坊
卷二十三	藝文志	奏疏 案牘 策論 辨記 序
嶧縣志	卷二	目錄
卷二十四	古蹟攷	陵墓 碑碣坊
卷二十五	雜記	

嶧縣志原序

外史氏曰志邑史也覈往事垂將來觀法鑒戒
寓焉者也寓內郡邑概有志嶧獨無往嘉靖中
修郡乘檄縣求故實家大夫時在諸生間創志
草一帙旋散去於今復四十年餘矣志尙寥寥
久爲闕事歲辛巳予以光祿卿請告家居適懷
寧王侯近魯以進士高等來尹邑才稱俊博而
政有紀綱暇中語及邑乘歎曰數口之家錢穀
出入物產盈縮類有籍記嶧卽僻小寧獨一家
哉奈何可以無紀述於是以邑乘懇屬予予重

嶧縣志

卷首

原序

一

王侯雅意而慨是書之久缺也迺於耕釣之餘
窮郊原訪耆舊披古今圖籍凡殘編斷碣片言
隻字有關於郟承蘭陵故實者靡不搜羅備錄
越一寒暑粗有梗概事屬隱滯援據徵之中或
疑訛闕而不論始地里終選舉爲志凡七篇夫
因循者易爲力而創始者難爲功自昔言之矣
邑無志由明朝來二百年諸君子所慎重而不
易成者予不揣固陋一旦率然爲之詞義踳駁
事實脫漏予罪甚矣雖然前人不作曠缺至今
今乃不述後益茫邈余爲此懼輒敢僭成後有

贍文洪筆之士因是編而哀益潤色之勒成一
邑全書使天下後世曉然知嶧爲郟承蘭陵之
舊疆匡疎諸賢之故里不必濯纓滄浪躡足鳧
繹而遐蹤往躅燦然指掌矣則茲乘也未必於
邑無補也嗟乎山川疆域古今一爾世代有推
遷而郟承蘭陵之地猶昔也顧以才賢則古盛
而今衰以民物則古隆而今替以貨財則古豐
而今嗇覽斯乘者又安能無慨於中乎萬曆壬
午秋八月賜進士亞中大夫光祿寺卿前戶科
都給事中翰林院庶吉士邑人賈三近敬序

嶧縣志

卷首

原序

二

嶧縣志原序

邑之有志也蓋禹貢周職方之遺云士君子一
結綬臨民卽欲省方設教因地制宜考古鑑今
舍志莫稽矣顧今之爲志者類多不求施用而
剽於聞見不資化理而眩於觀覽譬則有家者
然舍日用治生之計不載迺修臺榭崇珍玩以
誇示後人抑末耳果若是奚足以備觀省而垂
鑒戒也乎余不佞謬以庚辰秋仲分符於嶧嶧
故所稱鄙永蘭陵地也距周孔之墟堇三舍而
近何幸得其遺民而治之比入境則見山川故

嶧縣志

卷首

原序

三

也人民故也乃歲旱頻矣而閭閻漸邱國賦繁
矣而物力益耗司牧之寄謂何於是蚤作夜思
畢力於解繩蓄艾之計孜孜然與百姓相休息
而不敢日事筮楚用操切爲名高卽淹滯歲月
落落不復振余甘之矣顧余不習爲吏方覲往
哲成事視之而邑故無志其何以觀且民瘼克
克在吾目也不登之籍以遺來者可乎哉適石
葵賈太史謁告家居先生篤衷潔履稱賢大夫
有良史才余每過從移日微惠成編先生卽欣
然命筆考古獵軼蒐閭舉知凡土地之沿革人

民之盛衰與夫田租之登耗徭稅之煩勞貢賦
之盈縮靡不週厥原初發爲論著真燦然盈目
愴然動心矣而昔之吏於斯者某也良某也非
良一以三代之直道行之凜凜然足以示勸懲
於來世是志也可不謂一邑之信史也哉余讀
之卒業敬授縣丞高君學博楊君紀君典史江
君同校而梓之梓成先生謂不佞當綴一言於
末簡余惟嶧魯屬也蓋論政者莫善於魯矣詩
之咏僖曰奄有龜蒙保有鳧繹此魯之政所以
至今不廢也余拙且陋不知於近民之道能念

嶧縣志

卷首

原序

四

乎什一與否而先生是編猶夫計然任公之策
固織勤治生家所必資焉者也後之長令讀之
興起焉毅然以古之循良爲法而以不佞之拙
且陋爲戒則庶乎可以稱善治也夫萬曆癸未
夏六月知縣事古皖王希曾書於思補堂

嶧縣志原序

歲壬子夏

皇上特起舊輔大學士衛周祚於家仰贊機務方應
赴

闕首以六事上陳其一請修天下郡邑志書俾成

一代盛典所以大一統垂萬年也

上特可其奏爰

敕天下各直省通修郡邑全志顯吉承乏茲士謬應

斯役夙夜祇懼敢不旁蒐博訪勒成一邑全書

用襄厥盛但嶧屢經兵燹邑乘闕殘再四購求

嶧縣志

卷首

原序

五

僅得一部於邑諸生楊三鳳家乃嶧先達賈少

司馬手所撰次者先生學問淵博稱良史才時

適以光祿卿子告家居允邑令王諱希曾之請

覃精研思冥探廣攬徧諮耆舊兼採風謠窮百

家之源流歷山川之形勝披古今之圖籍考人

物之盛衰有奇必搜無微不抉論簡而核事約

而該於昔之尹斯邑者據事直書絕無隱諱存

三代之直道寓褒貶於片言所以昭美刺者於

斯示勸懲者亦於斯矣第邑志終於萬曆癸未

自茲以降無聞焉迄今不述後將何觀顯吉益

惴惴是懼延邑士之學遠才贍者若褚若賈若

李之三子窮晝夜之力殫半歲之勞網羅放天

增其未備纂河渠之書矢徭役之苦採貞烈之

軼事發潛德之幽光寧嚴無濫寧闕無訛無溢

美無虛惡考古綴今續成一邑信史而美刺勸

懲亦莫不寓焉嗟乎嶧固鄆承蘭陵舊疆也山

川風土猶故也為問昔時匡疎諸賢遺風猶有

存焉者乎顧其間人物之凋謝戶口之流亡物

力之虛耗較昔盛時迥乎不侔抑亦可以觀世

變矣生聚教訓是在後之守茲土者

嶧縣志

卷首

原序

六

康熙癸丑夏五月文林郎知縣事海陵田顯吉

書於嶧署之西爽樓

重修嶧縣志後序

今夫志猶古史也今之修志猶古之修史也吾獨謂史易而志難史官掌記時事不過書其君卿大夫之言動以及山川土田禮樂風俗河渠兵防數大端而已志則無所不備錄矣一難也史有起居注有編管章奏事繫歲繫月月繫日先後班班可考鏡而志有是乎一難也史之大綱在不虛燉不隱惡以故公孤之崇隆卿相之威靈執簡者侃然而擬其後志則則有所不得不避者矣一難也史有蒞官事難他委志無

嶧縣志

卷首

原序

七

專司之人守令勞簿書每慮不暇暇矣又一切迂闊視之如郵亭傳舍掉臂而去耳一難也吾嶧自賈中丞公創修邑志迄今九十餘年矣兵燹之後典籍凋落舊志今存殘帙此九十餘年中勢殊時異如戶口之繁簡田賦之重輕風俗之奢儉人文之隆替以至漕渠啟閉徭闈夫役水陸驛館之利弊或昔盛而今衰或昔易而今難或昔無而今有時局不同纂續闕如余小子抱桑梓之憂者久矣今泰州田侯以進士起家來令我嶧才優政舉化行訟息宿弊盡剷文事

事與況值

聖天子右文興學諸上官崇雅黜浮侯乃奉憲檄纂修邑志鳩異聞蒐佚籍懸購彙徵不遺餘力規摹舊志稍稍衍之至於今以補賈中丞之闕其閒綜敘採掇確有案據不敢聰明射覆不敢疎略完局誠難之也誠慎之也後之吏茲土者一展牘而嶧在目中矣侯之功前人偉矣夫侯之功後人偉矣夫

皆

康熙癸丑春三月邑舉人雷亨坤謹識

嶧縣志

卷首

原序

八

重修嶧縣志序

夫志者史屬也然史惟

朝廷有之志則通上下而不之禁故國志舉其略而郡邑志各序其詳綱目相維本末互見皆不可闕也世變歲易或闕而不具或具而不詳所謂郡者尚不能為完書而況邑乎今

上癸亥之冬余奉除書承乏是邑甫下車薦紳父老輒以志請余固謝弗敏且案牘旁午輪蹄絡繹日逐逐道旁塵未暇也又明年為乙丑春民稍安余之拙更退食有餘晷而薦紳父老又申前

嶧縣志

卷首

原序

九

請余遂不能固謝因取舊志披閱知其創始於前明邑人賈少司馬石葵典則爾雅堪稱作者至

國朝康熙壬子海陵田侯續而修之曰地理曰建置曰詞宇曰戶租曰官師曰人物曰選舉曰禮樂共五卷大都遵賈志為蕭畫而增其缺略補其逸遺已耳自田侯迄今蓋十有三年矣此十三年來官師之去留科貢之彬彬節孝之炳耀人物之繁衍以至田畝賦額戶口徭役之損益消長月異而歲殊倘不續為纂修掛漏日久文獻

無稽何以紀往牒示來裔乎於是折簡進邑士

於庭如褚生光鏡李生公問雷生亨坤分局網

羅同為蒼萃乃相與難椽燭摩險際遺者補之

缺者增之因其舊規參以新意而後十三年之

事庶幾展卷而瞭若觀火也倘亦可以遠薦紳

父老日落月稀之嗟乎第言之不文行而不遠

滋予愧焉若夫務材訓農通商惠工敬教勸學

授方任能轉今日之衰弱復昔年之盛強是在

後之賢者矣則吾豈敢因次第其語置之志首

康熙乙丑春王三月文林郎知嶧事錦州劉允恭

嶧縣志

卷首

原序

十

題於退思堂

重修嶧縣志序

詩曰保有鳧繹釋者謂繹與嶧同書曰嶧陽孤桐爾雅馭山聯絡為嶧嶧因山得名其見於經傳也屢矣自鄧子受封而後為蘭陵又後為承縣春申治之齊梁啟焉歷代以來史不絕書其山川之靈秀人物之傑瑰雖通都大邑亦蔑有過焉者也余承乏是邑周覽方隅升高遠望見茲山峽壯而風檣煙浦出沒數百里外信足以奄魯邦而鎮徐州矣而考其土俗觀其民風猶有彘龐之遺蓋嶧去魯為近而洙泗之餘澤於嶧縣志

今未墜云今

聖天子翠華南邁省方問俗而嶧之南境適當

鑿輿所歷過化存神其風移俗易為何如哉余公

餘之暇披尋舊志因思志為邑史與國史並垂

周官有大史小史內史外史而又有職方慎方

合方訓方沿及後代而郡縣亦皆有志顧嶧之

志則自宋元以來書缺有闕明萬曆閒邑人賈

三近以光祿卿請告家居邑令懷寧王君委以

纂輯始克成編至

國朝康熙十二年而海陵田君又增修之修未數

嶧縣志

卷首

原序

三

年而錦州劉君復續修之自劉以後迄今又七十餘年矣

國家休養生息戶口殷蕃物產滋豐聲名文物視昔有加不為踵而書之恐日久滲漏文獻無徵不且有司之責歟乃鳩集佚聞蒐羅往事與眾紳士共襄厥緒是志舊分為七篇繼又增至八門合為五卷今則博綜條貫彙集成帙俾循省者得以展卷而瞭如指掌也噫邑史之不講於今久矣為吏者執掌風塵率簿領之未遑況嶧輪蹄絡繹日不暇給而余乃斤斤從事於此者

嶧縣志

卷首

原序

三

蓋以山川人物紀在經史業於古有光而採風問俗必咨觀省則數十年來之遺訓故實不容其淪於無極也若夫言之無文行而不遠則陋固之慙又余之所不敢辭也夫

峕

乾隆二十六年歲在重光大荒落 月文林郎

知嶧縣事長白忠璉謹題